

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVICI



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ

Tel. 035 743 458 | Fax 035 743 458

Web: www.opcina-banovici.com.ba Adresa: *Ulica Alije Dostovića br.1, 75290 Banovići*

SLUŽBENI GLASNIK OPĆINE BANOVICI

Godina 16.
Broj: 14.

Banovići, 24.10.2013. godine

SADRŽAJ

Zaključak o usvajanu izvještaja o provedenom postupku opoziva Načelnika općine Banovići.....	3
Izvještaj o provedenom postupku opoziva Načelnika općine Banovići.....	4

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE**

Broj: 10/01-02- 381/13.

Datum: 24.10.2013. godine

Na osnovu člana 13.Zakona o principima lokalne samouprave u FBiH ("Sl.novine FBiH", broj: 49/06), člana 25. Statuta općine Banovići ("Sl.glasnik općine Banovići", broj: 3/08, 11/11), člana 96. Poslovnika općinskog vijeća Banovići ("Sl. glasnik općine Banovići", broj: 7/06, 9/11), Općinsko vijeće Banovići na 16.redovnoj sjednici održanoj dana 24.10.2013. godine, razmatrajući Izvještaj o provedenom postupku opoziva Načelnika općine Banovići, donijelo je slijedeći:

ZAKLJUČAK

I

Usvaja se Izvještaj o provedenom postupku opoziva načelnika općine Banovići.

II

Sastavni dio ovog Zaključka je Izvještaj o provedenom postupku opoziva načelnika Općine Banovići.

III

Zaključak stupa na snagu danom donošenja i objavit će se u „Službenom glasniku općine Banovići“.

PREDSJEDAVAJUĆI OPĆINSKOG VIJEĆA
Nermin Delagić, s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКО ВИЈЕЋЕ



BOSNIA AND HERZEGOVINA
FEDERATION BOSNIA AND HERZEGOVINA
TUZLA CANTON
MUNICIPALITY BANOVIĆI
MUNICIPAL COUNCIL

Tel. 035 743 458; Fax 035 743 458;

Web: www.opcina-banovici.com.ba Adresa: Ulica Alije Dostovića br. 1, 75 290 Banovići

**KOMISIJA ZA PROVOĐENJE POSTUPKA OPOZIVA
NAČELNIKA OPĆINE BANOVIĆI**

IZVJEŠTAJ O PROVEDENOM POSTUPKU OPOZIVA NAČELNIKA OPĆINE BANOVIĆI

Banovići, 23.oktobar 2013. god.

Na osnovu Odluka Općinskog vijeća Banovići broj: 10/01-02-229/13 od 16.09.2013. god. i broj: 10/01-02-319/13 od 04.10.2013.godine, pokrenut je postupak opoziva načelnika općine Banovići.

Odlukom Općinskog vijeća Banovići broj: 10/01-02-230/13 od 16.09.2013. godine imenovana je Komisija za provođenje postupka opoziva načelnika općine Banovići i provođenju referenduma (u daljem tekstu Komisija) u sastavu Kahrimanović Azra, Glibanović Fertik, Lapandić Šehval, Mujić Enes, Dedić Selma, Savić Sanja, Knezović Marinko, Mehić Mehmed i Brigić Rizah sa zadatkom da organizuje i provede postupak opoziva načelnika općine Banovići.

Komisija je 17.09.2013. god. zaprimila Izjave Lapandić Šehvala i Mujić Enesa kojima izjavljuju da zbog ličnih razloga nisu u mogućnosti učestvovati u radu Komisije i isti nisu prisustvovali ni jednom sastanku Komisije. Imajući u vidu da je Općinsko vijeće Banovići imenovalo Komisiju isti su upućeni da ostavke koje su uputili Komisiji dostave Općinskom vijeću Općine Banovići.

Odlukama Općinskog vijeća Banovići broj:10/01-02-316/13 od 03.10.2013. godine, broj:10/01-02-317/13 od 03.10.2013. godine, broj: 10/01-02-320/13 od 04.10.2013. godine broj: 10/01-02-321/13 od 04.10.2013. godine i broj: 10/01-02-322/13 od 04.10.2013. godine Lapandić Šehval i Mujić Enes razriješeni su dužnosti članova Komisije.

Komisija je postupak provela u skladu sa Zakonom o izboru, prestanku mandata, opozivu i zamjeni načelnika općina u FBiH, Preporukom o provedbi postupka opoziva Općinskog načelnika 01-02-2-1450/07 od 27.04.2007. god. Centralne izborne komisije BiH, Uputstvom o provođenju postupka opoziva načelnika Općine Banovići broj: 10/03-02-241/13 od 23.09.2013.godine i odredbama Izbornog zakona BiH i pozakonskih akata Centralne izborne komisije BiH u dijelu koji nije regulisan naprijed navedenim aktima.

Na osnovu podataka koje je Komisiji dana 23.09.2013. god. dostavila Centralna izborna komisija BiH, utvrđeno je da je u Centralni birački spisak sa stanjem na dan 02.09.2013. god. za Općinu Banovići upisano ukupno 20.212 birača od čega je za:

- | | |
|--|---------------|
| - glasanje na redovnom biračkom spisku upisano | 20.176 birača |
| - glasanje u odsustvu/lično upisano | 19 birača |
| - glasanje putem pošte | 17 birača |

U skladu sa Preporukom o provedbi postupka opoziva općinskog načelnika Centralne izborne komisije BiH Komisija je bila obavezna 15 dana prije dana održavanja opoziva dostaviti glasački materijal biračima koji glasaju putem pošte.

Obzirom da je za Općinu Banovići registrovano 17 birača koji glasaju putem pošte Komisija im je dana 25.09.2013. god. putem pošte preporučeno poslala glasački materijal – set koji sadrži: instrukciju o načinu glasanja sa rokovima dostave, kovertu sa adresom Komisije na koju se vraća pošiljka, zaštitnu kovertu i glasački listić.

Biračka mjesta

Komisija je dana 24.09.2013. god. utvrdila pregled lokacija biračkih mjesta na području općine Banovići. U skladu sa usvojenim pregledom lokacija upućena su obavještenja svim javnim ustanovama, pravnim i fizičkim licima za korištenje njihovih prostorija kao biračkih mjesta u postupku izjašnjavanja građana općine Banovići o opozivu načelnika općine Banovići. Na osnovu pregleda lokacija biračkih mjesta Komisija je donijela Odluku o određivanju biračkih mjesta koje su identične lokacijama biračkih mjesta koje su bile određene za Lokalne izbore koji su održani 2012. god.

Građani općine Banovići su mogli glasati na 31 redovnom biračkom mjestu, biračkom mjestu „Lično“ (glasanje u odsustvu/lično upisano 19 birača) koje je pridruženo biračkom mjestu 078A003 „Hanke“ na

lokaciji u OŠ „Banovići“ u Banovićima, biračkom mjestu za izdavanje nepotvrđenih glasačkih listića 078ANNN na lokaciji u OŠ „Grivice“ u Banovićima i putem dva mobilna tima.

Birački odbori / mobilni tim

U skladu sa Odlukom o imenovanju biračkih odbora Općinske izborne komisije Banovići broj: 05-29/12 od 03.09.2012. god., Odluke o izmjeni i dopuni Odluke o imenovanju biračkih odbora Općinske izborne komisije Banovići broj: 05-46/12 od 02.10.2012. god. i Odluke o izmjeni i dopuni odluke o imenovanju biračkih odbora Općinske izborne komisije Banovići broj: 05-51/12 od 05.10.2012. god. Komisija je donijela prijedlog Odluke o imenovanju biračkih odbora broj: 10/03-02-274/13 od 27.09.2013. god. koja je 27.09.2013. god. dostavljena svim političkim subjektima koji su uzeli učešće (ovjerenim) na Lokalnim izborima koji su održani 2012. god. a na osnovu pozicija u biračkim odborima koje su politički subjekti dobili javnim žrijebanjem 2012. god.

Političkim subjektima je uz prijedlog Odluke o imenovanju biračkih odbora dostavljen popratni akt u kojem je navedeno da ukoliko neko od predsjednika, zamjenika predsjednika, članova biračkih odbora i zamjenika članova biračkih odbora iz prijedloga Odluke o imenovanju biračkih odbora ispred tog političkog subjekta nije u mogućnosti raditi u biračkom odboru na dan izjašnjavanja građana o opozivu načelnika općine Banovići neophodno je da u roku od 3 dana o tome obavijeste Komisiju a kao zamjene predlože članove koji imaju iskustvo u radu biračkih odbora na predhodnim izborima.

Uz prijedlog Odluke o imenovanju biračkih odbora političkim subjektima je dostavljena i Izjava predloženog člana biračkog odbora/mobilni tim koju su svi predloženi članovi biračkog odbora/mobilnog tima ispred tog političkog subjekta trebali popuniti i dostaviti Komisiji.

Na isti način Komisija je donijela i prijedlog Odluke o imenovanju mobilnog (pokretnog) tima a u skladu sa Odlukom o imenovanju mobilnog (pokretnog) tima Općinske izborne komisije Banovići broj: 05-39/12 od 19.09.2012. god. i Odluke o izmjeni i dopuni odluke o imenovanju mobilnog (pokretnog) tima Općinske izborne komisije Banovići broj: 05-47/12 od 02.10.2012. god. koja je 27.09.2013. god. dostavljena svim političkim subjektima koji su uzeli učešće (ovjerenim) na Lokalnim izborima koji su održani 2012. god. a na osnovu pozicija u mobilnom (pokretnom) timu koje su politički subjekti dobili javnim žrijebanjem 2012. god.

Političkim subjektima je uz prijedlog Odluke o imenovanju mobilnog (pokretnog) tima dostavljen popratni akt u kojem je navedeno da ukoliko neko od predsjednika, zamjenika predsjednika, članova mobilnog tima i zamjenika članova mobilnog tima iz prijedloga Odluke o imenovanju mobilnog (pokretnog) tima ispred tog političkog subjekta nije u mogućnosti raditi u mobilnom timu na dan izjašnjavanja građana o opozivu načelnika općine Banovići neophodno je da u roku od 3 dana o tome obavijeste Komisiju a kao zamjene predlože osobe koje imaju iskustvo u radu biračkog odbora/ mobilnog (pokretnog) tima na predhodnim izborima.

Uz prijedlog Odluke o imenovanju mobilnog (pokretnog) tima političkim subjektima je dostavljena i Izjava predloženog člana biračkog odbora/mobilni tim koju su svi predloženi članovi biračkog odbora/mobilnog tima ispred tog političkog subjekta trebali popuniti i dostaviti Komisiji.

U ostavljenom roku od 3 dana prijedloge za članove biračkih odbora i popunjene Izjave predloženog člana biračkog odbora/mobilni tim su dostavili politički subjekti Bosanskohercegovačka patriotska stranka Sefer Halilović, Stranka Demokratske Akcije i Bosanska stranka Mirnes Ajanović.

U dodatnom roku od 24 sata Izjave predloženih članova biračkog odbora/mobilni tim dostavili su i politički subjekti Stranka za Bosnu i Hercegovinu i Savez za bolju budućnost BiH Banovići.

Politički subjekti Socijaldemokratska partija BiH Banovići i Nezavisni kandidat Mehmed Mehić nisu Komisiji dostavili prijedloge za članove biračkog odbora odnosno mobilnih timova niti su dostavili popunjene Izjave predloženog člana biračkog odbora/mobilni tim.

U skladu sa Uputstvom o provođenju postupka opoziva načelnika općine Banovići Komisija je koristeći bazu podataka Općinske izborne komisije Banovići pozvala članove biračkih odbora i mobilnih timova svih političkih subjekata koji imaju iskustvo u radu biračkih odbora i mobilnih timova na predhodnim izborima. Svi članovi koji su predloženi ispred političkih subjekata i koji su potpisali Izjave, i kandidati za članove koji su Komisiji potpisali Izjavu o radu u biračkom odboru/mobilni tim na dan 12.10.2013. god. prisustvovali su obuci koju je Komisija organizovala 06.10.2013. god. u velikoj sali Radničkog doma. Obuka je izvršena u skladu sa Planom obuke biračkih odbora i Priručnikom o radu biračkih odbora. Ukupno je obuci prisustvovalo 338 kandidata od kojih je njih 320 imenovano za članove biračkih odbora/mobilni tim dok je njih 18 predstavljalo rezervu.

Nakon provedene obuke a u skladu sa Uputstvom o provođenju postupka opoziva načelnika općine Banovići Komisija je donijela Odluku o imenovanju biračkih odbora broj:10/03-02-332/13 od 08.10.2013. god., Odluku o izmjeni i dopuni odluke o imenovanju biračkih odbora broj: 10/03-02-347/13 od 09.10.2013. god. i Odluku o imenovanju mobilnog (pokretnog) tima broj: 10/03-02-333/13 od 08.10.2013. god. Odluke su dostavljene svim političkim subjektima koji su uzeli učešće (ovjerenim) na Lokalnim izborima 2012. god.

Osim obuke koja je organizovana 06.10.2013. god. Komisija je organizovala i dodatnu obuku predsjednika biračkih odbora i mobilnih timova dana 10.10.2013. god. te je svim predsjednicima biračkih odbora i mobilnih timova uručen Priručnik o radu biračkih odbora.

Obavještanje birača

U skladu sa Preporukom o provedbi postupka opoziva općinskog načelnika Centralne izborne komisije BiH, Komisija je građane općine Banovići putem Radija Banovići, web stranice Općine Banovići i plakata koji su lijepljeni u svim mjesnim zajednicama obavještavala da se 12.10.2013. god. mogu izjasniti o opozivu načelniku općine Banovići, o biračkim mjestima koja su ista kao i za Lokalne izbore koji su održani 2012. god., načinu glasanja, te koje ulice-naselja glasaju na kojem biračkom mjestu.

Birači s posebnim potrebama koji su zbog starosti, bolesti ili invalidnosti vezani za svoje domove obaviješteni su putem Radija Banovića i web stranice općine Banovići da se u periodu od 30.09.2013. do 07.10.2013. god. mogu prijaviti u JU „Centar za socijalni rad“ Banovići za glasanje putem mobilnog (pokretnog) tima.

Na osnovu dostavljenih podataka od strane JU „Centar za socijalni rad“ Banovići, spiska birača i izjava, Komisija je utvrdila da se ukupno 59 birača s posebnim potrebama prijavilo za glasanje putem mobilnog (pokretnog) tima.

Birači koji glasaju putem LK-OI-4 potvrde

U skladu sa odredbama Izbornog zakona BiH kao i članom 17. Uputstva o provođenju postupka opoziva načelnika općine Banovići važeći dokument za utvrđivanje identiteta birača su lična karta, pasoš i vozačka dozvola kao i obavještenje-potvrda Agencije za identifikacione dokumente, evidenciju i razmjenu podataka na obrascu LK-OI-4. Komisija je dana 01.10.2013. god. dostavila dopis Ministarstvu unutrašnjih poslova TK kako bi se omogućio rad Odjeljenja za administraciju Banovići na dan 12.10.2013. god. (Odjeljenje za administraciju Banovići je radilo 12.10.2013. god.) kako bi biračima koji nisu dobili ličnu kartu a podnijeli su zahtjev za izdavanje iste bilo omogućeno da glasaju sa LK-OI-4 potvrdom na biračkom mjestu 078ANNN- za izdavanje nepotvrđenih glasačkih listiće koji se nalazilo u OŠ „Grivice“ u Banovićima.

Posmatrači

Komisija je dana 08.10.2013. god. svim političkim subjektima koji su uzeli učešće (ovjerenim) na Lokalnim izborima 2012. god. uputila zahtjev da u roku od 24 sata dostave spisak posmatrača ispred tog političkog subjekta za posmatranje rada i aktivnosti Centra za birački spisak, biračkih mjesta i rad i aktivnosti Komisije. Nakon protoka navedenog roka politički subjekt Stranka Demokratske Akcije je dostavila spisak posmatrača. Ostali politički subjekti nisu dostavili prijedloge posmatrača.

Zabrana političke i glasačke kampanje

Obzirom da su se građani općine Banovići 12.10.2013. god. izjašnjavali o opozivu načelnika općine Banovići Komisija je 10.10.2013. god. uputila obavijest svim političkim subjektima koji su uzeli učešće (ovjerenim) na Lokalnim izborima 2012. god. i Radio Banovićima da u periodu od 24 sata prije otvaranja biračkih mjesta pa sve do zatvaranja biračkih mjesta neće biti nikakvog medijskog izvještavanja o bilo kojoj aktivnosti koja je vezana za političku i glasačku kampanju u vezi postupka opoziva načelnika općine Banovići.

Predaja glasačkog materijala

Glasački materijal koji je Komisiji dostavljen od strane Općinskog vijeća Banovići 10. i 11.10.2013. god. u skladu sa Finansijskim planom Komisije broj: 10/03-02-245/13 od 23.09.2013. god. (zapisnik o radu biračkog odbora, glasački listići, glasačke kabine, obrazac za brojno stanje za redovno biračko mjesto, obrazac za zbirne rezultate, obrazac za brojno stanje za glasanje nepotvrđenim glasačkim listićima, obrazac za brojno stanje-mobilni tim, potrošni materijal) glasačke kutije koje su Komisiji ustupljene od strane Općinske izborne komisije Banovići, te plastični pečati koje je Komisija dobila od Centralne izborne komisije BiH, Komisija je predala biračkim odborima i mobilnim timovima 11.10.2013. god. u prostoriji zgrade u ulici Alije Izetbegovića broj 3, uz prisustvo policije.

Dan izjašnjavanja o opozivu načelnika općine Banovići

Na dan izjašnjavanja građana o opozivu načelnika općine Banovići sva biračka mjesta su otvorena u 7,00 sati a zatvorena u 19,00 sati. Narušavanja javnog reda i mira nije bilo.

Uz prisustvo policije Komisija je u prostoriji zgrade u ulici Alije Izetbegovića broj 3 od biračkih odbora počev od 19,30 sati počela primati glasački materijal sa biračkih mjesta.

Prema prvim preliminarnim rezultatima koje su Komisiji dostavili birački odbori na glasanje je izašlo 63% građana općine Banovići koji su upisani u Centralni birački spisak. 79,84% birača je glasalo za opoziv načelnika općine Banovići a 20,13% birača je glasalo protiv opoziva načelnika općine Banovići.

Preliminarni rezultati objavljeni su 13.10.2013. god. putem Radija Banovići, TVTK, FTV, BHT.

U prve preliminarne rezultate izjašnjavanja građana općine Banovići o opozivu načelnika općine Banovići nisu uključeni glasovi birača koji su glasali putem mobilnog tima, glasovi birača koji su glasali na biračkom mjestu 078ANNN – za izdavanje nepotvrđenih glasačkih listića koje se nalazilo u OŠ „Grivice“ u Banovićima i glasovi birača koji glasaju putem pošte a koje glasove je prema Preporuci o provedbi postupka opoziva općinskog načelnika Centralne izborne komisije BiH, Komisija obavezna čekati 10 dana od dana održavanja opoziva (deseti dan do 18,00 sati).

Brojanje glasačkog materijala Mobilnog tima I, Mobilnog tima II i biračkog mjesta 078ANNN

U skladu sa Odlukom Komisije o utvrđivanju vremena i mjesta brojanja glasačkih listića osoba koje su glasale putem mobilnog tima i nepotvrđenih glasačkih listića broj: 10/03-02-351/13 od 10.10.2013. god. članovi Mobilnog tim I su dana 17.10.2013. god. u 13,00 u prostorijama zgrade u ulici Alije Izetbegovića broj 3 uz prisustvo Komisije otvorili zapečaćenu vreću Mobilnog tima I i izvršili brojanje glasačkih listića birača koji su glasali putem Mobilnog tima I.

Također, 17.10.2013. god. u 13,30 u prostorijama zgrade u ulici Alije Izetbegovića broj 3 članovi Mobilnog tima II su uz prisustvo Komisije otvorili zapečaćenu vreću Mobilnog tima II i izvršili brojanje glasačkih listića birača koji su glasali putem Mobilnog tima II.

Što se tiče brojanja glasova birača koji su glasali na biračkom mjestu 078ANNN – za izdavanje nepotvrđenih glasačkih listića koje se nalazilo u OŠ „Grivice“ u Banovićima članovi biračkog odbora su uz prisustvo Komisije otvorili zapečaćenu vreću biračkog mjesta 078ANNN – za izdavanje nepotvrđenih glasačkih listića.

Komisija je nakon toga izvršila provjeru u Centru za birački spisak Banovići kako bi se utvrdilo da li birači koji su glasali na ovom biračkom mjestu imaju pravo glasa u postupku izjašnjavanja građana općine Banovići o opozivu načelnika općine Banovići. Od 20 birača koji su glasali na ovom biračkom mjestu pravo glasa je imalo njih 14. Ostali, njih 6 nisu imali pravo glasa obzirom da se radi o licima čije prebivalište nije općina Banovići već općina Srebrenica, Bratunac, Zvornik, Tuzla.

Koverta tih birača nisu otvarane i vraćene su u vreću koju je birački odbor zapečatio.

Na biračkom mjestu 078ANNN – za izdavanje nepotvrđenih glasačkih listića nije bilo birača koji bi glasali na osnovu LK-OI-4 potvrde.

Brojanje glasačkih listića pristiglih putem pošte

Zaključno sa 22.10.2013. god. do 18,00 sati Komisija je zaprimila ukupno 5 koverti birača koji glasaju putem pošte s tim da je se jedna koverta koju je Komisija uputila biraču u Istanbul-Turska vratila neotvorena i taj birač je glasao na biračkom mjestu 078ANNN- za izdavanje nepotvrđenih glasačkih listića.

U skladu sa Odlukom Komisije o utvrđivanju vremena i mjesta brojanja glasačkih listića osoba koje su glasale putem pošte broj: 10/03-02-352/13 od 10.10.2013. god. birački odbor za biračko mjesto 078ANNN za izdavanje nepotvrđenih glasačkih listića je dana 22.10.2013. god. u 18,15 sati uz prisustvo Komisije izvršio brojanje glasačkih listića birača koji su glasali putem pošte.

Evidentiranje rezultata glasanja birača koji su glasali putem pošte u zbirnu tabelu po biračkim mjestima ima određene specifičnosti zbog naziva kolona u zbirnoj tabeli, tako da je Komisija zauzela jedinstven stav da se glasanje putem pošte evidentira na slijedeći način:

- u koloni broj imena na izvodu iz CBS evidentiran je broj 17 (ukupan broj birača koji glasaju putem pošte)
- u koloni broj potpisa na izvodu iz CBS evidentiran je broj 17 (ukupan broj koverti sa izdatim glasačkim listićima)
- u koloni broj primljenih glasačkih listića po zapisniku biračkog odbora evidentiran je broj 17 (glasački listići poslani biračima)
- u koloni broj iskorištenih glasačkih listića evidentiran je broj 17 (glasački listići poslani biračima)
- u koloni broj važećih glasačkih listića evidentiran je broj 3
- u koloni broj nevažećih neoznačenih glasačkih listića evidentiran broj 13 (12 koverti sa listićima poslato na adrese birača i nisu vraćene i 1 koverta koja je vraćena Komisiji sa kompletnim sadržajem glasačkog materijala)
- u koloni nevažeći ostali glasački listići evidentiran broj 1 (koverta koja nije sadržavala fotokopiju identifikacionog dokumenta birača)
- u koloni opcija „DA „ 0
- u koloni opcije „NE“ 3

Prigovori i rješavanje po prigovorima

U toku provođenja postupka opoziva načelnika općine Banovići Komisija je zaprimila ukupno četiri prigovora.

Prigovor uloženi ispred političkog subjekta BPS –Sefer Halilović je usvojen.

Dva prigovora SDP Banovići i prigovor Općinskog načelnika koji je Komisiji dostavljen od strane Centralne izborne komisije BiH, nisu usvojeni.

U narednim tabelarnim pregledima dat je prikaz rezultata izjašnjavanja građana općine Banovići zbirno za područje općine Banovići i po biračkim mjestima.

REDNI BR.	Broj biračkog Mjesta	Broj imena na Izvodu iz CBS	Broj potpisa na Izvodu Iz CBS	Broj primljenih glasačkih l.p zapisniku BO	Broj iskorištenih Glasačkih Listića	Broj neiskorištenih glasačkih listića	Važeći glasački Listići	Broj oštećenih Gl. Listića	Nevažeći neoznačeni Gl. Listići	Nevažeći ostali Gl. Listići	Opcija "DA"	Opcija "NE"
1.	078A001	896	461	901	461	440	458	0	0	3	313	145
2.	078A002	889	458	890	458	432	454	0	0	4	296	158
3.	078A003/000	780	386	800	386	414	368	0	1	17	222	146
4.	078A004	618	273	650	274	376	270	1	1	2	176	94
5.	078A005	519	229	550	231	319	219	2	1	9	151	68
6.	078A006	683	330	700	330	370	325	0	0	5	211	114
7.	078A007	669	443	700	443	257	439	0	0	4	353	86
8.	078A008	854	680	900	680	220	677	0	1	2	617	60
9.	078A009	543	267	550	267	283	263	0	0	4	213	50
10.	078A010	559	284	600	285	315	283	0	1	1	209	74
11.	078A011A	564	428	600	428	172	426	0	0	2	380	46
12.	078A011B	505	368	509	368	141	356	0	0	12	318	38
13.	078A012A	747	577	750	577	173	569	0	2	6	496	73
14.	078A012B	594	499	600	499	101	495	0	0	4	451	44
15.	078A012C	766	591	770	592	178	591	1	0	0	550	41
16.	078A013	987	504	1006	504	502	495	0	1	8	310	185
17.	078A014	393	283	400	283	117	283	0	0	0	282	1
18.	078A015	843	607	850	607	243	595	0	1	11	451	144
19.	078A016	778	535	800	536	264	531	1	0	4	464	67
20.	078A017	832	672	840	672	168	652	0	0	20	578	74
21.	078A018	213	201	220	202	18	201	1	0	0	197	4
22.	078A019	707	408	710	408	302	402	0	0	6	230	172
23.	078A020	730	416	740	416	324	413	0	1	2	324	89
24.	078A021	636	416	650	416	234	412	0	0	4	349	63
25.	078A022	279	242	300	242	58	227	0	0	15	216	11
26.	078A023	882	506	899	510	389	501	4	0	5	393	108
27.	078A024	777	417	799	417	382	412	0	0	5	283	129
28.	078A025	536	428	540	428	112	418	0	0	10	355	63
29.	078A026	593	482	600	483	117	481	1	0	1	398	83
30.	078A027	398	253	400	253	147	244	1	0	8	211	33
31.	078A028	425	228	430	229	201	227	1	0	1	135	92
32.	078ANNN	0	20	70	20	50	14	0	0	6	12	2
33.	Mobilni Tim I	0	27	30	27	3	27	0	0	0	24	3
34.	Mobilni Tim II	0	32	35	32	3	32	0	0	0	30	2
35.	Pošta	17	17	17	17	0	3	0	13	1	0	3
	UKUPNO	20212	12968	20806	12981	7825	12763	13	23	182	10198	2565
	PROCENTI		64,16%								79,90%	20,10%

Rezultati izjašnjavanja građana o pozivu Načelnika općine Banovići

1.	Broj imena na Izvodu centralnog biračkog spiska	20212
2.	Broj potpisa na Izvodu Centralnog biračkog spiska (5+6+7)	12968
3.	Broj primljenih glasačkih listića po zapisnicima biračkih odbora (4+9)	20806
4.	Broj iskorištenih glasačkih listića (5+ 6+7+8)	12981
5.	Broj važećih glasačkih listića	12763
6.	Broj nevažećih neoznačenih glasačkih listića	23
7.	Broj nevažećih ostalih glasačkih listića	182
8.	Broj oštećenih glasačkih listića	13
9.	Broj neiskorištenih glasačkih listića	7825
10.	Procenat izlaznosti	64,16%

Rezultati izjašnjavanja za opciju "DA" i opciju "NE"

Redni broj	Opcija	Broj glasačkih listića	Procenat (%)
1.	DA	10198	79,90 %
2.	NE	2565	20,10 %
3.	VAŽEĆI GLASAČKI LISTIĆI (1+2)	12763	

Zaključak

Rezultati izjašnjavanja građana općine Banovići o opozivu načelnika općine Banovići utvrđeni su na osnovu podataka koji su Komisiji dostavljeni od biračkih odbora na obrascima za zbirne rezultate i obrascima za brojno stanje, zapisnicima o brojanju glasačkih listića mobilnog tima I, mobilnog tima II, biračkog mjesta 078ANNN – nepotvrđeni glasački listići i glasačkih listića pristiglih putem pošte.

Nakon provedenog postupka opoziva načelnika općine Banovići Komisija je utvrdila konačne rezultate izjašnjavanja građana općine Banovići o opozivu načelnika općine Banovići.

Od ukupnog broja birača upisanih u Centralni birački spisak za područje općine Banovići na glasanje je izašlo 12.968 birača odnosno 64,16 % od ukupnog broja upisanih birača.

Za opciju DA - odnosno za opoziv načelnika općine Banovići glasalo je 10.198 birača ili 79,90%, a za opciju NE-odnosno protiv opoziva načelnika općine Banovići glasalo je 2.565 birača ili 20,10 % birača koji su glasali.

Broj: 10/03-02-374/13
Banovići, 23.10.2013. godine

KOMISIJA:

Kahrimanović Azra – predsjednik, s.r.
Glibanović Fertik – zamj. predsjednika, s.r.
Dedić Selma – član, s.r.
Savić Sanja – član, s.r.
Knezović Marinko – član, s.r.
Mehić Mehmed – član, s.r.
Brigić Rizah – član, s.r.